

REGIS COMITATVS,
KINGS COVNTIE.

VT quem dixi *Comitatus Regina* in Maria Regina honorem fuit dictus, ita regiuncula quæ proxime contermina ad Boream *Birgo* interlabente divisa & quondam *Offalia* dicta, in honorem Philippi Regis Hispaniarum ejus mariti *Regis Comitatus* appellatur & primum opidum *Philips town*, ubi Seneschallus cum præsidio locatus, & Anglici generis nobiles *Warrenni*, *Herberti*, *Colbeii*, *Mori*, *Leicestrui* inter Hibernicos *O Conor*, ad quos olim magna pars hujus spectavit *Mac Coghlan*, *O Maily*, *Fox*, & alios agros à majoribus partos strenue conservant. Conqueruntur autem hi Hibernici indigenæ patrimonia sibi adempta, nec alios alibi agros sibi assignatos ubi viverent; unde quilibet tumultuandi occasione arrepta, plurimum negotii Anglis incolis subinde faceffunt & in rebelliones vindicibus animis hostili odio imbutis sæpenumero furenter prorumpunt.

COMITATVS
KILDAR.

His ad Solem orientem longo tractu prætenditur *Kildariensis Comitatus*, ager lætissimus, de cujus pascuis Giraldu Cambrænsis illos *Virgili* versus usurpat:

*Et quantum longis carpunt armenta diebus,
Exigua tantum gelidus ros nocte reponit.*

Kildaria primum & præcipuum est opidum, cui honori erat inprimis Ecclesiæ Hibernicæ incunabulis *Brigida* virgo sanctitate, & virginitate venerabilis (non illa quæ *Brigidienfium* fororum ordinem ante annos plus minus *CCXL* instituit, ut uno monasterio & monachi & virgines parietibus & aspectu separati agerent) sed multo antiquior, ante annos scilicet mille *S. Patricii* discipula per Hiberniam, Angliam & Scotiam nominatissima. Cujus miracula & ignem inextinctum tanquam in *Vestæ* adytis penetralibus à virginibus sacris asservatum cinere nunquam excrecente scriptores commemorarunt. Hæc *Kildaria* cathedra ornata est Episcopali qua Papalibus literis olim *Darenfis* dicta. Hæc *Richardi* Comitiss *Penbrochiæ* fuit habitatio, postea *Guillemi Marescalli* Comitiss itidem *Penbrochiæ* ejus generi, per cujus filiam quartam *Sibillam* ad *Guilielmum de Ferrariis* Comitem *Derbiæ*, & per ejus itidem ex ea filiam ad *Guil. Vescy*, cujus filius *Guilielmus Vescy* Iustitiarius Hiberniæ cum Regis Ed-

wardi Primi gratia excidisset ob similitudines inter ipsum & Ioannem filium *Thomæ Giraldi*, filioque legitimo orbatu esset, concessit *Kildariam* & alias in Hibernia terras Regi, ut filium nothum de *Kildare* cognominatum de aliis in Anglia terris suis *seofaret*. Pauloque post Ioannes ille filius *Thomæ Giraldi*, cujus majores (quibus genus à *Girardo de Windesora Castellano Penbrochiæ*) in expugnanda hac Insula summa cum virtute desudaverant, ab Edwardo Secundo Rege Angliæ *Castro & villa Kildariæ* donatus erat cum honore & nomine Comitiss *Kildariæ*. Familia hæc *Fitz-Giraldorum*, vel ut nunc vocant *Geraldinorum*, sane splendida, & rebus gestis est clarissima, per quam, ut inquit ille, *et maritima Walliæ Anglis retenta, et Hiberniæ mœnia sunt expugnata*. Et diu sane illæso honore & fama integra, hæc *Kildariensis* (utique quæ nunquam in Principem arma tulit) effloruit, donec *Thomas Fitz-Girald* filius *Giraldi Fitz-Girald* Comitiss *Kildariæ* & Hiberniæ Proregis sub *Henrico Octavo*, audito patrem qui in Angliam vocatus, & Hiberniæ male administratæ postulatus, supplicio affectum; ex levi & falso rumore, inconsultæ temeritatis juvenili fervore abreptus arma in patriam & Principem sumpserit, *Carolus Quintus Imperator* ad Hiberniam capeffendam advocaverit, regionem ferro, flamma late vastaverit, *Dubliniam* obsederit, ejusque Archiepiscopum è medio sustulerit: ob quæ paulo post cum quinque ejus patris suspendio periit, patre mœrore jam antea confecto. Familiam tamen splendorem *Maria Regina* in integrum restituit, cum *Giraldum* fratrem *Thomæ* illius in *Kildaria* Comitem, & Baronem *Offalia* denuo erigeret, cui cum duo filii *Henricus* & *Guilielmus* sine prole mascula defuncti successissent, titulus Comitiss ad *Giraldum Fitz-Girald* eorum patruelem devenit.

Sunt etiam in hoc Comitatu melioris notæ *Naas* opidum mercatorium, *Athie* ad *Birgum* fluvium *Mainoth* castrum Comitum *Kildariæ*, opidumque cui mercatum, & nundinas in gratiam *Giraldi* filii *Mauritii* Rex *Edwardus Primus* concessit. *Castle-Martin* primaria sedes familiæ *Fitz-Eustace* quæ à *Pœrtis* in Comitatu *Waterfordiæ* exorta, ob virtutem honorem Baronis Parlamentarii *Roulando Fitz-Eustace* ab Edwardo Quarto cum *Manerio de Portlester* collatum, titulumque Vicecomitiss *Baltinglas* ab *Henrico Octavo* accepit, quæ *Roulandus Fitz-Eustace* ob perfidiam patriæ extorris sub Regina *Elizabetha* amisit. Clariores quæ hic sunt familiæ præter *Fitz-Giraldos* sive *Giraldinos*, ex Anglia etiam stemma deducunt, scilicet *Ougani*, *De-la-Hide*, *Ailmeri*, *Walshi*, *Boisles*, *Whiti*, *Suttoni*, &c. Gigantum vero choream quam ex hoc agro *Merlinum* arte Magica in planitiem *Sarisburienfem* transtulisse fabulantur, ut

Archiva
Regia.Comites
Kildariæ.
Chron. 9.
Edw. 2.
Num. 12.Barones
Fitz-Eu-
stace.
Pat. 2.
Edw. 4.
Viceco-
mes Bal-
tinglas.Gigantum
chorea.